

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

NAREDBU

O HOMOLOGACIJI GLAVNIH SVJETALA ZA MOTORNA VOZILA KOJA EMITUJU ASIMETRIČNI OBORENI SVJETLOSNI SNOP ZA PUT I/ILI VELIKI SVJETLOSNI SNOP ZA PUT I KOJA SU OPREMLJENA SIJALICAMA SA UŽARENIM VLAKNOM I/ILI LED MODULOM

I PODRUČJE PRIMJENE

Član 1.

Glavna svjetla za vozila kategorija L, M, N i T koja emituju asimetrični oboreni svjetlosni snop za put i/ili veliki svjetlosni snop za put i koja su opremljena sijalicama sa užarenim vlaknom i/ili LED modulom moraju biti homologovana u skladu sa ovom naredbom.

II ZAHTJEVI

Član 2.

Jednoobrazni uslovi za glavna svjetla iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju glavnih svjetala za motorna vozila koji emituju asimetrični oboreni svjetlosni snop i/ili veliki svjetlosni snop i opremljena su sijalicama sa užarenim vlaknom i/ili LED modulom (Pravilnik broj 112 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 112), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa (“Službeni glasnik Bosne i Hercegovine”, broj /2010).

ECE pravilnik br. 112 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

III HOMOLOGACIJA I ISPITIVANJE

Član 3.

Homologacija glavnih svjetala iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja glavnih svjetala iz člana 1. ove naredbe može provoditi samo laboratorija ovlaštena od strane Ministarstva komunikacija i transporta Bosne i Hercegovine.

IV PROVJERA USKLAĐENOSTI

Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti novoproduzvedenih i korišćenih vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 112 prema Odluci o najnižim tehničkim zahtjevima za novoproduzvedena i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

V PRIMJENA

Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Ministar

.....
mr sc. Rudo Vidović